

ЛҮИМА СЭРИПОС



www.khanty-yasang.ru

Общественно-политическая газета

E-mail: luima@ugracom.ru

7 февраля
2014 года
№3
(1069)



А. Вьюткин вӑрум хури

Ты хурит мӑньщи хум Александр Дмитриевич Сайнахов
пӑсылм блы. Тав урёт китыт лӑпсыт ловиньтӑн.

Ты
номерыт
ЛОВИНЬТӢН:

Нӑврамыт
самыл сунсым
ӧньщавет

3

Щӑнь лӑтнӑв
ӗлаль ялтуптаве

6

Яльӧс - пӑс
мӑньщи
пӑвыл

7

Пусмалтахтан
ос ӱцлахтан
кол

14

Кондинский
район 90 тӑлэ
тӧвлыс

16

Губернаторуwn янытлым хум

Газетав 6выл л6пс6т Александр Дмитриевич Сайнахов хурит п6слым 6лы. Александр такви Халь6с район С6кыр6я павылныл 6лы. Ань р6т м6хман6 пуссын тот 6л6гыт.

Яныг 6сың м6н армият л6сытам юи-п6лт 1995 т6лт в6нтлыс. Тот тав Сургут 6ст6лн6 ГПТУ № 17 йивныл матыр м6щтырлан хумыг тит т6лханищтахтас. Училище 6стлуме юи-п6лт тав т6ра «П6с Сургут» наппа музей колн м6щтырлан хумыг р6питанкв вуйвес.

Та п6сныл тав тот акв м6т м6щтырлым р6питы. Такви к6тыл в6рум пормасан6 щирыл тав с6в м6т в6ве ос ханьщаве. Хотьютын матыр 6рмыглан порат, тав н6мхотты порат п6хан ат мины. Маныр 6ри - н6ты, хумус 6ри - х6лты.

2008 т6лт тав «Народный мастер России» намылмайвес. Та юи-п6лт 2012 т6лт м6щтырыг 6лн6 м6хум халт касыл 6лн6 порат «Лучшая экспозиция» наппа касн6 м6т шар 6выл м6н п6риявес.

Ты йильпи 6хтум т6лт Александр Дмитриевич р6патан6 шар м6к м6щтырыг в6рн6т6 м6гсыл «Премия губернатора» наппа олн муйлупсал майвес.

М6н ос ты 6мас олн муйлупсал маима в6рмалитыл таве янытлыл6в. С6в 6мас с6всыр утан6 т6кыг, хорамыңыг вос 6ртм6гыт.

Тамле 6мас м6ныщи хотпа 6лаль 6лн6 х6талан6 вос с6вм6гыт.

**Александр
ВЬЮТКИН**

Пенсия-олн йильпи щирыл ловиньтаңкв патаве



Интернетный вим хури

Ты 6тпост округувт р6питан пенсионный фонд яныг к6щ6е Татьяна Зайцева л6ххал тотн6 м6хум акван-атыгласан6. М6лты т6лт Россият йильпи федеральный с6ккон пирмайтавес. Ань та с6ккон щирыл 2015 т6л п6сныл пенсия шар йильпи щирыл ловиньтаңкв патаве.

Ос та т6л мус пенсиян миnam м6хум т6н манах солк6вил ловиньтав6сыт, 6лаль аквтох ойтуңкв патавет. Ань ты т6л мус пенсиян миnam м6хум т6н п6с щирыл мощ с6внув олныл тах ойтавет.

М6н касың хотпа р6пата олнанувныл «страховой взносыг» л6вн6 олн юв-пуваве. Т6ват ос ты коньпал м6т м6т (негосударственный пенсионный фонд) олн 6с ат6гыт. Т6н манах олн пенсияныл мус ойт6гыт, та с6витныл та ловиньтавет.

Ос м6к ты в6рмалы 2015 т6лныл в6раве. Т6нт ты т6ра-паты: с6в т6л р6питам хотпат, ат р6питам м6хум ос м6нь трудовой стаж 6щн6 хотпат т6н пенсияныл манах с6витыг

6мты. Ты 2014 т6л юи-п6лт ат р6питам м6хум т6н сака мощца олныл ойтуңкв патавет. Ань ты т6л мус пенсиян миnam м6хум т6н п6с щирыл мощ с6внув олныл тах ойтавет.

Округувт к6сың т6л «минимальный прожиточный минимум» л6вн6 в6рмалы манах солк6вил хансаве, акв тас6вит солк6ви ат р6питам м6хум ань выгыт. Ос та т6лныл шар м6т щирыл в6раве, н6мхот ат р6питам м6хум т6н тыгыл тит щ6с мощщанув олныл ойтуңкв патавет. Ань ты т6л округувт «прожиточный минимум» 8 с6тыра 814 солк6вил хасвес. Тувыл ты ловиньтаңкв р6ви, стаж ат 6щн6 м6хум пенсияныл манс6витыг 6мты.

Н6врам 6щн6 н6квет т6н н6враманыл 6т юн 6лн6 т6ланыл 6с стажиг ловиньтавет. Тит н6врам 6щн6 н6 «минимальный стажиг» вос хансаве, тав6н туп тит т6л р6питанкв р6ви. Т6лан6акван-ловиньтавет, ат т6лыг 6мты. Хум хотпатн акв тамле «минимальный стаж» м6гыс 6с ат т6л р6питанкв 6ри. Тамле хотпат пенсиян минн6ныл порат «трудовой» пенсиял хансавет. Ос шар н6мхот ат р6питам м6хум т6н «социальный» пенсиял тах мивет.

Татьяна Зайцева 6лаль тамле в6рмалы урылпотыртас. Т6н палтаныл яныгп6ла м6хум 6хтал6гыт, пенсияныл урыл титыглахт6гыт – н6мхуньт ат р6питам хотпа ос с6в т6л р6питам хотпа пенсияг6н 6латы аквс6витыг ловиньтав6г, манрыг тох?

К6щай н6 ты урыл тох л6выс, тьи 6мас в6рмалы хунь, с6ль, тох в6руңкв ат 6ри кос. Ос к6щайт ты в6рмалы т6ра-паттуманыл юи-п6лт ань йильпи с6ккон 6рн6 щирыл хассаныл. Ань тох в6раве, с6в т6л р6питам хотпа с6в олн тах выг, ат р6питам хотпа ос пенсият6 мощщ6г ловиньтаве.

Ань р6питан н6квет пенсиян 50 т6ланыл т6влын порат минуңкв в6рм6гыт. Ос 55 т6ланыл мус т6н иң ат т6л р6питанкв те пат6гыт ос пенсияныл ты ат т6л сыс ат те выганыл, т6нт т6н с6в пенсия-олныл ловиньтавет.

**Валентина
ХОЗУМОВА**

ЛЯХХАЛЫТ

Няврамыт самыл сунсым оныщавет

Тал котиль этпос 24 хоталэт Ханты-Мансийск үст «Югра» намба ляххал тотнэ колт Татьяна Дмитриевна Моховикова потыртас. Ты нэ округув янытыл олнэ савалап няврамыт тармыл патнэ вярмал палт кұщайг рупиты. Ляххал тотнэ хотпатн тав китыглавес, ань няврамыт матыр тарвит оныщегыт манос пуссын ёмашакв олэгыт, тарвит вярмал ёмталан порат тананыл тан хумус нёгыяныл. Нан ань элаль Татьяна Дмитриевна потре ловиньтэлын:

- Савалап няврамыт манос щань-ащныл похан вуим няврамыт ман палтув пицма ватихал кётыглэгыт, тарвитың тэланыл урыл потыртэгыт. Ювле хуль-тум талт 527 пицма ёхталас. Ман касың пицма ёмашакв ловиньтылүв, пицма кётум касың няврам ёт хонтыглахтэв, потрамёв. Савыңпалэ тан кұщаяныл урыл хансэгыт, тованяврамат нётаве, товаләпалалаве. Сав няврам рүт махманылы ләкамтавет, роттыг олүңкве ат вёрмёгыт. Төва олнэ кол ат оныщи, төва эрнэ нёпак катын-паттуңкве ат вёрми ос мот сав тэланыл урыл пицманыл хансэгыт. Агмыңмосың няврам ошнэ хотпат ос хансэгыт. Ман касың щёмыян нётэв, касың няврам самыл сунсым оныщилүв. Ос сака тарвитың тэләт ёмтапан порат, полиция пицма кётэв, тувыл сутытахтэв.

Тованакт ос пицма Павел Алексеевич Астаховын хансыглэв, тав Россия янытыл няврам вуянтан организацият кұщайг олы. Депутатанувн ос хансыглэв, нётавёв. Сака сав щёмыят нуса тотым тарвитыңыщ олэгыт, няврамыт савалэгыт. Ман сав рүпитэв, пөх хотпатыл нётмил кинсёв, эрнэ нёпакыт хансёв. Төва щёмыатын иң нётуңкве

рөви, иң алымёв, остоват ман вассыг нёматарыл нётуңкве ат вёрмианув.

Ляххал тотнэ нэ С.В. Поливанова прививкат урыл китыглахтас. Тав лавнэтэ щирыл, ань 14 тал яныт маньлат агиришит пувласпи агмыл (рак шейки матки) ул вос ёмтэгыт, прививкатыл вәруңкве патавет. Ос таи лёлъ, ты прививка вәрнэ юи-палт, сав агирищ тарвитың агмыл ёмтуңкве вёрми. Япония мат тамле ут вәрим юи-палт, нёлолов агирищ савалаңкве патсыт, ёмыгтаңкве ат вёрмёгыт. Тув мус та агмыңыг ёмтсыт. Наң хумус номсэгын, тамле прививкат вәруңкве эри?

Татьяна Дмитриевна тох лавыс:

- Ам хұрум аги янмалтэгум, агиянум тамле прививкатыл вәруңкве ам ат кәсәщегум. Амти тамле утыл ат вәрыглавёсум,



Интернетныл вимжүри

ам яныгмамум порат тамле ут матёмас атим олыс. Ос ам хунь лавёгум, тамле прививкат ат эри вәруңкве. Касың щань-ащ такви номсы, няврамён прививка вәруңкве ман ати.

Курский областът май 135 няврам ос 10 яныгхотпа корь намба агмыл агмыңыг ёмтсыт. Хунь лёккарытын уральтаңкве патвёсыт, насати нәмхотыютаныл прививкатыл аты вәрыглымат. Ты ёмас хунь, мак эрнэ касың прививка поратэ ёхты, няврамытын атхунь тара вәруңкве эри.

Акв хумн тав Ренат пыгрищ урыл китыглавес. Ювле хуль-тум талт пыгрищ ань омащёныл хот-вуйлыма, омащё наркоманыг олы, пыгрищ юн савалас. Тувыл омащё сутытахтас, пыгрище ювле майвес, ос та мат лёлъ пице

ат хулисте. Ляххал тотнэ хум Ренат пыгрищ магсыл сыме щәрги, китыглахты, тав ань хумус олы? Щане ёт олы?

Татьяна Дмитриевна лавнэтэ щирыл, ты няврам тан ётыл ос хотвисаныл, тав ань щане ёт ат олы. Щәщәквәгён-опагён вуйвес, пыгрищ мұсхал щирыл оныщаве, янмалтаве.

Тувыл олнэ кол урыл китыглавес. Савалап няврамыт олнэ кол пуссын оныщегыт ман ати. Ты кұщай нэ лавнэтэ щирыл, 2008 тал мус ты вярмалюв тарвитыңыг олыс, төва хотпа олнэ колыл миңкве ат вёрмувес. Ань тай махманув ёмашакв рүпитэгыт, няврамыт олнэ колыл пуссын мивет, пуссын оныщегыт. Касың хотпа нётаве, уральтаве, ань колэ мори ул вос тыналытэ, ул вос уркуптаве, кол тал ул вос хульты.

Ман махумн акваг лавыглэв, матыр хұнтамләгын те, эрың савалап няврам колэ тыналаңкве таңхи манос колэн пөх махум ёхталэгыт, тавён торас вәрэгыт, тыурымәнавн тара лавён. Савалап няврамн нётуңкве эри, тав щань-ащ ат оныщи, вассыг хотыютән нётаве.



Ұсыт порс халн ты тэлыглэгыт

Тал котиль этпост ват нупыл титыт хоталт Ханты-Мансийск ұс мирколт кұщайг өлнэ махум сапрәни вәрыгласыт. Сапрәниянылт щар яныг кұщайг округ губернаторув Наталья Комарова ылыс.

Тән округув янытыл мори пәхвтын порс анят ос люльсаң вәрим порс атнэ вонхат урыл по-тыртасыт. Кәсың рай-он манос яныг ұс кұщай тәнти вәрум рұпатаныл урыл доклад - нәпак ло-виньтасыт.

Өвлэт Наталья Кома-рова ләтың ләвыс: «Хот тал сыс мори хуиглам хұрумсәт ляпатем порс анятхот-вуйвёсыт. 2013 тал сыс округув янытыл хотпан нупыл хұрум мори пәхвтым порсың ма акван-атвес ос мātэ сыстамтавес. Мән тыг өлмыгтамув юи-пәлт, округ янытыл кәсың тал йильпи порс вонхат вәрөв.

Пёс порат руш махум нәматыр урыл ат ном-сысыт. Тән нас мāvой ос газ нōх-винэ пла-наныл товарттасаныл, тувыл та. Манырсыр өлнэ порсаныл мори мот-мот мāt хультуп-тым, пәхвтым оссув-ласаныл. Ань та порс вонхат сыстамтаңкве ос ёмашакв щёпитаңкве эрөгыт. Ёмшакв ат те щёпитыянүв, хотью-тын вәве, маныр люль

ёмтуңкв вәрми. Ань нявраманув пұстагыл элаль өлнэ хоталаныл урыл номсуңкв эри. Хо-тють ам ётум тох ат те кәсаши, вос ләви, хумус тав номсы».

Губернатор юи-пәлт Когалым ұс кұщайг өлнэ хум **Владимир Иванович Степура** нәпаке ловинь-тастэ. Тав ләвыс: «Ұсув янытыл порс пōхан тотнэ щирыл тит ком-пания рұпиты. Мōлты 2013 талт тән акван-по-тыртахтым ос халэнт нётхатым рұпитаңкв вуйхатсыг. Ань ұст порс атнэ ос лап-пантхатнэ тёр хусапыт йильпи щир-ыл вәрсаныл.

Тувыл тән пōханылт порс атнэ магсыл яныг мāvщёпитасыт. Та коны-пал тән хоталың хотал хольт най пōстын лю-минесцентная наппа лампочкат, сәвсыр бата-рейкат ос градусникыт пирмайтан кол пұссыт. Тәнаныл ёмшакв ат те щёпитаңкв, тән сәвлиоль мōсың агм вәрөгыт. Та агмыл элумхōлас агимыг ёмтуңкв вәрми.

2013 тал сыс ұс яны-тыл 160 сōтыра тон-

на сәвсыр порс акв мән тотвес. Ос та сыс порс атнэ йильпи мāvәруңкв ывилтавес. Тав Сургут ұс нупыл минэ лёңх ляпат ос Когалым ұсныл онто-лов вёрыстан вәрәве. Тот өлнэ мātэ мил вонхаг хилвес ос порс атнэ вонхатэ мұвлахи тёрыл вәрим карс пұсасыл лап-пантвес. Порс атнэ мātэ рұпитаптын мус эрнэ шаңкванэ пус-сын ёвтвёсыт. Тав тынэ 280 млн. солкōви сәвитыг ёмтыс. 2014 тал ойгпанэтэ мус тав тах

тах йильпи вонхан порс тотуңкв патэв. Пермь ұст өлнэ компания ты проект щирыл мәнәвн нёты».

Сергей Владими-рович Пикунов округ янытыл мāv-вит ос вөрүй ұргалан кұщайг ылы. Тав сапрәният ләвыс: «Мән округув янытыл мори пōваралын сәвтёр пұшкат, хот-саквалым сәвсыр машинат ос Ас я вātатэ палыт пёс харңайтым нәинхәпыт оссувлым хуөгыт. Мән ху-мус номсэв, та мори



вәрәве».

Хум потыртан мәныл асүме юи-пәлт, Пока-чи ұс кұщай хум **Раян Замелович Халиуллин** потыртас. Тав ләвыс: «Мән Покачи ұсувт ань өлнэ порс атнэ мāv 1989 тал пәсныл рұпитаңкв ывилтахтас. Ань та вонха палытэ нила вёрыстаг ты ёмты. Хосаттагылтув тотым порс нумыл мал лап-рагпыслүв. Порс сайлын мāv лёккарытн ос мāv-вит ұргалан мах-мытын вәтихал ураль-тәлаве.

Мән ань ос йильпи вонха вәруңкв номсэв. Хумус вәрилүв, ань та план нәпаканув щёпитан мәныл мошёртын ты асгэгыт. Тувыл порсатнэ вонха вәруңкв тәра та вуйхатэв. Атахтем тал

поварәлнэ тёрыт пуссын атуңкв эрөгыт. Мот щир-ыл тән харңайтыманыл порат люль утаныл мән ёл-посавет. Тувыл элаль мāv-вит ос люль утытыл та тэлыгтаве. Тыи пус-сын шир мус щёпитан кастыл сәв олн эри. Олн катын-паттэв, та юи-пәлт я вātа янытэт ём-шакв тах щёпитылүв».

Юи-өвылт Наталья Владимировна ләвыс: «Хунь мән акван-нётхатым рұпитаңкве патэв, тōнт вәрмалюв элаль тах уш нёвум-ты. Ты урыл элаль номсахтән, ты вәрмалё акван-нётхатым кусты-рыг вәруңкв эри».



Тан пёс эргыт, ййквыт акван-атыяныл

Белоярский үст өлнэ культура центр кўшаиг 1995 тал пасныл Надежда Борисовна Костылева рўпиты. Тав ханты нэ, школа асламе юи-палт Ханты-Мансийск үс педучилищан ёхтыс. Тот нйврамыт ханищтан нэг ханищтахтас. Училище асламе юи-палт Белоярск үсн олмыгтас, ты центрын рўпитанкв минас. Тот рўпитанкв овылтахте порат, Тюмень үс культура институтн юил ялым элаль ханищтахтуңкв патыс, асластэ.

Надежда такви рўпататэ урыл мощ потыртас, тав лавыс: «Ам училищат нйврамыт ханищтан нэг ханищтахтасум. Ос тыг рўпитанкв ёхтумум порат, маныр рўпата воруңкв патэгум, аты васлум. Таимыгс тара элаль ханищтахтуңкв минасум. Институт асламум юи-палт мак культура специалистыг та ёмтсум. Кўшаиг тув та унттувёсум.

Тонт Фаина Павловна Иштимирова кўшаиг рўпитас, тав ос ханты нэ. Тав ётэ аквагта урыл потыртасмён, касың тал пёс эргыт, мойтыт ванэ махум мощцаг ёмтэгыт. Тан потра ныл, эрганыл моляххансуңкв эрегыт, махманув минёгыт, ос ман элаль маныр воруңкве патэв.

Ань мань павлытт өлнэ яныгпала махум наманыл пуссын акванатуңкв патсанув, тан палтаныл ялантасув. Касың яныг хотпа ёт тот вацинтахтасув, ёмашакв титыгласув, пёслысув.

Тан халанылт хотыют эрыг ман матыр пёс олупса урыл ваг, хотыют ййквуңкв хасы, пуссын тара-

паттуңкв эрыс. Тан эрганыл нэ пакн хассанув, ййкваныл тинан пёслысланув. Ваим, өвлэт тарвитың олыс.

Та пасныл хусахтем тал та минас. Та по-

Ты 2014 тал «Культура талыг» лаввес

Ань ты кастыл округувт өлнэ мир магсыл сав пумыщ воруңкв тах патаве. Ос ты тал сыс культура ман клуб-колытт рўпитан махум янытлаңкв патавет. Ман маньщи газетавт пёс йис вярмаланув элаль тотнэ махманув урыл ватишал хансуңкв патэв. Ань овыл потрув Ас махум магсыл рўпитан культура центр урыл ловиньтэн.

рат вярим хурит ос тинан пёслым ййквыт ань сунсымав, пёс эргыт хунтлымав, ань сыманув тармыл татем кўпнитыг ёмты. Соль, яныг рўпата воруңкв алымасув.

Ань тованакт мань павлытытн ос ялантэв, тув ёхтэв, яныг махманув атимыт. Тара номтын ёхтавёв, матёмас ман та хотпа вацинтаслув, потранэ пуссын хассанув, ййкванэ

пёслысанув.

Касың яныг хотпа пёс ялпың хоталыт ос пёс вярмалит урыл титыглаңкв эри, хумус эрнэ щирыл тананыл янытлаңкв, маныр воруңкв эри.

Ман сав тал сыс вярум рўпатав нэпакытн хансылув, рушит лавнэныл холыт «методичка» нэпакыт вёрсүв. Ань ты нэпакыт хосыт мот махум ййквуңкв ханищтахтэгыт, эрганув эргияныл, ялпың хоталанув янытлыяныл.

Ман «Увас хурамат» намп ййквнэ коллектив оныщёв, пуссын тот ййквёв. Тув ялантан агит, нэкет пуссын сака ёмашакв ййквуңкв хасёгыт. Ты коллективув ань хус талэ товлыс, Фаина Павловна Иштимирова тав вёрыстэ.

Ань това мань павланувт өлнэ мащтыр махманув ман пуссын ваганув. Тан ман магсылув супыт юнтэгыт, манав юнсахтуңкв ос ханищтыяныл. Тан мак ёмашакв мащтырлаңкв хасёгыт. Товат манавн нётым ань ты мус рўпитэгыт..»

Ты культура центр ань савсыр мат ваве. Тот рўпитан махум акваг хот-ати ййквим, эргим ялантэгыт. Сака ёмас олнув, касың маньщи ос ханты культура кол ман центр тох те рўпитанув, тонт эрганув, ййкванув сав тал маттем та суйтынувыт.



Н.Б.Костылева

Валентина ВАСИЛЬЕВА

Щань латнұв элаль ялтуптаве



Ханты ос маныщи латңыг ханищтан
Няврамыт халт касыл олум порат
ам Валентина Ильинична Вахрушева ёт
вайхатасум. Валентина Ильинична Кон-
динский район Шугур павыл школат
няврамыт маныщи латңыл потыртаңкв
ханищтыанэ.

Тав потре элаль
ловиньтэлын: «Ман шко-
лавт яныгсат ват нупыл
нелолов няврам ханищ-
тахты. Тан халанылт
нелсат нупыл хот сассаң
няврам олы. Савыңпалэ
нявраманув маныщииг
хансым олэгыт. Кон-
динский район сассаң
маҳум олнэ мананыл
рущит мус шар ляпа
маг олыс. Таимэгсыл
ты, тот олнэ маныщит
щань латңаныл хот-
ёрувласаныл. Ань яныг-
ман нявраманув пёс
маҳум олупсаныл ос
латңаныл ат ваганыл.
Тан оманыл, атяныл
щань латңаныл ат
ваганыл, хотьют ваг,
халанылт ат потыртэгыт.
Таимэгсылтылатңаныл
хот - ёрувлахтас».

Валентина Ильинич-
на палт аквписыг ват
няврам маныщи латың
ханищтаңкве яланты.
Тан халанылт юи-ёвыл
тит классыгт ханищтах-

тын нэврамыт «Элек-
тивные курсы» намп
ханищтапн сат сыс акв
щёс ялантэгыт. Та ко-
ныпал мощ молаланув
пирмайтым саккон ши-
рыл, овыл ханищтахтын
хұрум класс няврамыт
ёт маныщи латың ха-
нищтап вэрвес. Руш
латңыл «Курсы мансий-
ского языка» лававе. Та
курсын ос аквхуйполов
мань няврам ёхталэгыт.
Валентина Ильинична
лави: «Ты сат хотал сыс
туп акв щёс латың ха-
нищтан магсыл миве,
тыи сака мощца. Ты
хотал ман ты латңыт
ханищтыанув. Сатхотал
оигпан сыс няврамыт
ханищтам латңыт хот-
ёрувляныл. Акв та
латңыт оста йильпииг
ханищтаңкв эрэгыт».

Валентина Ильинич-
на маныщи латың ха-
нищтан няврамытыл
Ханты-Мансийск ўсн
тит аги Татьяна Кут-

марова ос Лидия Ро-
гачёва ёт тотыгласа-
ге. Тён сас Кондинский
район янытыл маныщи
латың касыл олме по-
рат няврамыт халт нөх-
патсыг.

Таня омаге-агыге
сас маныщииг. Тён
маныщи латңыл шар ат
потыртэг. Лида омаге-
агыге ос сас рушиг.
Лида лави: «Ам маныщи
латың ханищтаңкв,
олупсаныл ваңкв сака
касащэгум. Хосат,
хунь ман опарищанув
танти олупсанылт тыг
олмыгтасыт, маныщи ма-
хум пёс йис олупсаныл
хот-тыпылтасаныл.
Таимэгсыл ам ань нан
олупсан урыл пуссын
ваңкв таңхэгум. Ану-
мн тыи нас пұмаш».

Элаль ханищтан
нэ лавыс: «Ты коны-
пал агирищанув катыл
мащтырлан ман ялан-
тэгыт. Тот тан аканит
юнтэгыт, сакыл савсыр
хорамыт хартэгыт, ту-
выл катыл пөслуңкве
ханищтахтэгыт.

Няврамыт катыл
мащтырлаңкве Ирина
Семёновна Шифто-
рован ханищтавет.
Хум нявраманув
ос ма-вит ўргалан
вэрмалы ханищтэгыт.
Тан вораыңкв ос хұл
алыщлаңкв ос ха-
нищтахавет, вөрын
атах хоталын тотыг-
лавет, тот мощ во-
раегыт, няслэгыт.

Ман павыл ня-
враманув юртыңыш
олэгыт, ханищтахтэгыт.
Яныг хотпат нупыл
ёмас самыл сунсэгыт,
тыи магыс ман сима-
нув щагтым олэгыт».

**Александр
ВЬЮТКИН**

Молты туи
Ягримн
ялмум порат ам
Н.К. Захарова
Яльёс павылт
пёс олупса урыл
китыгласлум. Тав
ты овылтыт «На-
следие» намп
пёс накыт кис-
хатнэ нён Л.Г.
Галкинан ос
няврамытын
саргын
потыртэлыс.
Ётыл тан пұмаш
нэпак вэрсыт.
Ань тувыл ам ло-
виньтам төва
ляххалыт нанан
хансыанум.

«Березовострог» урыл
хансым шар пёс по-
трыт палттамле вэрмалы
хұлтэгыт, Яльёс павыл
V-IV нотыт нижеобской
культура олыглам по-
рат ўнттыма. 1593 талт
Никифор Траханиотов
Пелум матясак атнэ хум
такви маҳманэ ёт Хальёс
ўнттуңкве кётвёсыт.
Тонт ты маҳум Яльёс
павылке урыл овыл щёс
потыртэлыгласыт.

Ты павыл Лүйи Тагт
я хосыт сака нётнэ
карс мат ўнттувес. Сав
нот маныщиянув тот
олсыт-хұлсыт. Пёс порат
маҳманув хумус олсыт,
маныр вэрсыт, ань ты
овылтыт Надежда Кон-
стантиновна таи потыр-
тас. «Ам Яльёст самын
патсум, тот яныгма-
сум. Павлувт акв хоса
ўсхулы хосыт налыман
арыгкем колыт ўнттым
олсыт. Маҳманув пу-
сын танки олнэ кола-
ныл пөхат ампарыт, ми-
сколыт манос лувколыт
ошсыт. Тувыл касың
карта кивырт нянь вэрнэ
кұр кон вэрыгласыт.
Павлув мувлахи такем
ёмас сыстам вөрың мат,
сав ұлыпат, наңкыт, хов-
тыт, таргыт, халь ос хап-
ка ййвыт яныгмэгыт.
Ань төва ййвыт ниласат

Ялъюс - пёс маңыщи павыл



Л. К. Саратин, Н. К. Захарова
ос Т. Д. Русанова самың
патум павылың ёхталасың.

таланыл төвлыс.

Туи махманув павыл ляпат санквлыпил, мо-рах, тахтпил, сүйпил ватсыт, сака элы маң минуңке ат эрыс. Тал палыт савсыр хул ят пувсүв, ань ты ерувт туп нялк толгыл алышлэв.

Маң пёс махманув холът иң хоса олсүв, павлувт найпос аты общсүв. Туи ёмас, этыт посыңыт, сав тэлат воруңке алымасүв. Ворт олыгламувт, лёмвоитныл аты-пыл пилсүв. Ос сака илямтавёв ке, посымпут вэрыгласүв. Тэлы порат керащинаң лампал коланув постыгласанүв. Номилум, кон сака ащирмаң, юн күрув

ёмщакв палтыглылүв, лампав тэг, ос маң, няврамыт, анёквав похат акван-атхатэв ос тав мойтанэ та хунтлэв. Тав потырталум латңанэ юи-палт маң акваг посың номтыл элалэ олсүв, тав мот ёмас олупса ёмтнэ урыл төвнакт маңав потырталыс.

Тувыл, солъ, нанки сусент, ань маныр йильпи олупсалолуңке патсүв. Остонт павлың махманув пёс щирыл олманыл халт савсыр ёмас манос тарвит на-кытн ос патыглалсыт. 1913 талт Ялъюс павыл тара Хальюс нупыл «Морзе» телеграф кер кваглыт хартуңке патвёсыт. Телеграф по-

тыртан тотап Молохов Паял колэт унттувес. Тав Хальюсныл кетым ляххалыт хунтлысанэ ос махумн потыртаса-нэ, павылт олум тэлат ос тувле кетыгласанэ. Советский Союзт хот, маныр олыглас маң ос вәслүв.

Овлэт махум Ок-тябрьский революция овилтыт хунтамласыт. Маң ерувт Красная Армия белогвардей-цат ёт 1919 тал таквсы мус воритотсыт. 1941 талт пилыщмаң латың ёхтыс, война ёмтыс. Хум хотпанув ос тув тотыгпавёсыт. Павлувт нёквет, няврамыт ос яныгпала хотпат хуль-сыт. Маң пуссын акван-нётхатым хул алышлым, вораим рупитасүв.

1942 талт Ялъюст шко-ла пусвес, тот Ираида Се-мёновна Кузьмина вой-на оигпан мус няврамыт хаништасанэ. Тувыл мот маңыл махум тыг кетуңке патвёсыт, руш щирыл тан «спецпе-реселенцыг» лаввёсыт. Павлувт хурум щёмыя Астрахань усныл олсыт, ос хурум колтагыл-кал-мык щёмыят. Акв кал-мык хум Сергей Улем-жиков лапкат рупитас. Мотаныт Тагт я тапал ватат олсыт. Тан пус-сын маң маңышиянувёт аквёт «Леспромхозт» рупитасыт. Тан хала-нылт матахмат немец щёмыя олсыт.

Маңки халувт пус-сын юрщхатым олсүв. Махум алпыл «гу-док» суй хунтамлэгыт, пуссын рупитаңке овилтахтэгыт.

М а н м а н ь щ и , руш, немец, калмык няврамыт пуссын шко-лан ялантасүв. Тот нила

класс мус Желтова Таи-сья Васильевнан ос Таи-сья Васильевна Плоских хаништавесүв, школа кўшаиг Галина Алексе-евна Алексеева олыс.

Ётыл павлувт «Ста-лин» нампа колхоз вэровес, нёт мис поссыт, хум хотпат вор яктым рупитасыт, туи картоп-ка, капуста янмалталсыт, хул алышласыт, пум вэрыс. Атям война оигпам юи-палт пред-седателиг тув паттыгла-вес, ос 1948 талт атимыг ёмтыс. Омам зверофер-ма кўшаиг олыс, тонт тот ниласат савит сэмыл охсар янмалтасыт.

Павылкётв нянь вэРНэ кол общсүв. Тонт маң такем атың нянил тыттувесүв. Киномеха-ник Сергей Гаврилюк ос нётмил вэРНэ хумитэ Виктор Никитин касың ушлахтын хоталт клубт кина суссылтасыг. Ты вэРмалы маң аквписыг урыслүв, сака пумыщ пора олыс. Медпункт ос олыс, тот лёккарыг Иван Давыдович Пакин рупитас. Тав экватэ Аг-ния Николаевна Паки-на (Казаринова) клуб кўшаиг олыс.

Ётыл маңы колхо-зыт, совхозыт акван-тотуңке патвёсыт, ма-хум ос яныг павылыл вантлуңке лаввёсыт. Ань павылкёв тох хот-таль та соймыс.

Маң ань Ялъюс павыл нас хультум наме ко-ныпал матыр олупсаң тэлат тара-паттысанүв. Ты пумыщ, эРНэ по-тыр магыс ам Надеж-да Константиновнан яныг пумащипа латың лавёгум.

Тамара
МЕРОВА

ХАНИЩТАП

Ләтнүв элаль тотнэ нъяврамыт

Тәл котиль этпост Ханты-Мансийск үст мәньщи ос ханты ләтың вәнэ нъяврамыт халт ләтнүг щирыл олимпиада нампа касыл вәрыглавес.

Ты касыл Николай Иванович Терёшкин, ханты учёный хум, наме янытлан мәгсыл намайлвес. Николай Иванович өлмёт, ханты мәхум халт мирн вәнэ щар өвыл учёныйг өлыс. Олме щирыл тав ты тәл яныгсәт акв тәлэ төвлынув.

Ты кастыл округув янытыл аквёт пуссын хөтхуйполов нъяврам Ханты-Мансийскүснөх-таласыт. Титтыг-уртхатим щирыл, халанылт онтолов мәньщи ос онтолов ханты нъяврам өлсыт. Ты тәл олимпиада олум хөтал малтып хөталыг төрмувн вәрыглавес. Таимагсыл ты сав каснэ нъяврам өх-талас.

Нъяврамыт касыла-ныл өвылтаңкве Надежда Геннадьевна Алексеевна өхталас. Тав округ

Дума соссан мәхум Ассамблеят депутатыг өлы. Касыл өвылтан элы-пәлт нъяврамытын янытлан ләтың ләвыс: «Кәсың йильпи өхтын тәлт мәньщи ос ханты ләтнүг вәтихал мот-мөт мәт суйтыглэг. Хөтют иң мәк потырты - тии яныгпалаг өлнэ мәхманув. Ань тыгыл ты элаль щәнэ ләтың тотнэ мәгыс потыртан мус таве ханищтаңкв эри. Мөт щирыл ләтың тәлхультын мәхум яныг мир халт тәлыглы, таи ты сака лөль. Нанти щәнэ ләтнанын ульнаг ул хультуптәлын, яныгпалаг өлнэ мәхум ос мән нән нупылын номт пинэв. Мән пуссын нәнә агтэв. Кәсың тәлт ләтың ләтың вәнэ нъяврамыт вос сәвмөгыт».

Мәньщи ос ханты нъяврамыт титтыг-урт-



хатим кассыт. Мәньщи нъяврамыт рүпатаныл Маина Ефимовна Макарова, Диана Васильевна Герасимова ос Светлана Селивёрстовна Динисламова уральтым өлсыт. Нъяврамыт сәвсыр нампа ат каснэ рүпатал майлувёсыт. Ёмщакв вәрум рүпатаныл мәгсыл хөтпан балл виңкв рөвыс.

Овыл рүпатанылт - нъяврамыт өт щәнэ ләтнүл потыртаңкв эрыс. Нъяврамытн торгамтаңкв эрыс, маныр урыл таве титыглаве ос маныр тавән ювле ләвуңкв эри.

Титыт рүпатанылт - нъяврамн ос такви номтанэ щирыл манос хотты мәнь мәньщи мөйт

хансуңкв эрыс.

Хүрмит задания-нылт - ос мөйт ловиньтан щирыл касыл өлыс. Нъяврамн таве хунтлан мәхмытн ләтнәнэ торгамтан щирыл мөйт ловиньтаңкв эрыс. Тәнанылн тәрвитың вос өлыс, мөйт ләтнәнэ мори тәлыгтәлвёсыт. Ләтнүг эрнэ щирыл акв юи-пәлт өлтуңкв эрыс.

Тувыл ёмщакв хаснэ мәгсыл акв задание майлувес. Тот ос сәвсыр щирыл тәлыгтым лов предложения ёмщакв хансуңкв эрыс. Ты задание тән ёмщаквег те вәрияныл, хус баллыл пинуңкв вөрмувёсыт.

Юи - өвыл атыт рүпатаныл - мәньщи ләтнүл хансым потыр





рущ латһыл хансуңкв эрыс.

Хантынйврамытхалт Белоярский район Касум павылныл ёхталам ханты пыг Денис Ерныхов нёх-патыс. Тав такви ёлнэ районэт вэрыглан касылт аквписыг касы. Тывт тав ханты ос маныщи нйврамыт халт щар сав, хётпан ну-

пыл сат балл вис. Пыгрищ юи-палт Рита Пяк нёх-патыс. Тав хётпан нупыл нила балл вис. Рита Сургутский районныл ёхталас. Хурмит хётпаг Анжела Анадеева ёмтыс. Тав атпан нупыл ат балл вис.

Маньщи нйврамыт халт ёвил места Хальёс район Саранпавыл

няврам Миша Ромбандеев вистэ. Тав хурмиттыг тыг касуңкв ёхталас. Титыт места Екатерина Пашина вистэ. Тав Октябрьский районныл ёлы. Хурмит ма Кондинский районныл ёхталам агин вуйвес. Тав наме Лидия Рогачёва. Каснётэ щирыл тав атпан нупыл нила балл вис.

Нёх-патум хурум няврам дипломыл ос олн ёщнэ сертификат нампа нёпакыл муйлуптавёсыт.

Овил места вим хётпан-атсётырә, титыт места вим няврам-нила сётыра, юи-ёвил хурмит места магсыл хурум сётырал муйлуптавёсыт. Тувыл мот няврамыт ос пумащипа латһың пищмал майвёсыт.

Касыланыл юи-палт жюриг ёлнэ махум иң сав ёмас янытлаң латың няврамытын лавсыт. Тананыл хунтлум няврамыт мотантыг ёхталаңкв ос лавхатсыт.

Хоты маныл, хоты витыл ёлнэ няврамыт, ман тананыл пуссын сымыңыщ янытлыя нув. Танти щань латһаныл аквтох элаль вос ханищтыяныл ос тотыяныл. Мот махмыт танти латһыл потыртаңкв ос ул вос ёссамтэгыт.

**Александр
ВЬЮТКИН**

Культураг намаим тал кастыл рупата та ёвилтавес

Ват саграп нал ётпос ватыт хоталёт «Год культуры» ёвилтахтам тал кастыл ёсыт ос районит культура колыт щирыл рупитан махум Ханты-Мансийскат акван-атхатыгласыт.

Тан «Сохранение и развитие духовных традиций народов Югры» нампа форум вэрыгласыт. Тот 200 ёлумхолас акван-хонтхатыгласыт, Тюменский дума палыл депутат Геннадий Корепанов ёхталас.

Ёвилт муй махум ёлы-палт ёс ос район кўшаиг, православный ос мусульман мир яныг кўшаиг, округ культура палыл рупитан хётпат пашалатың лавсыт. Екатерина Ермакова, Ханты-Мансийск культура профсоюзит пуңкотнэ нё, ёсгын нёпакыл муйлуптавес.

Тувыл хотал сис муй махум янас хёт колнакыт рупитасыт. Тан танки культурный программаныл ёвилтыт, рупатаныл вэрнэ магыс олн нётмил урыл потыртасыт. Тувыл маныр проектит ёт тан аквьёт элаль рупитаңкв вёрмёгыт, таи тарапаттысыт.

Юи-ёвилт Василий Филипенко, Ханты-Мансийск ёс кўшай, ос районит ёлнэ кўшаит культура тэлат ёт аквьёт рупитан соглашение-нёпак хассыт. Пуссыт ты вэрмалит ёвилтыт ам ётыл янас потыр тах хансэгум.

**Тамара
МЕРОВА**

Леуши павылт рӯпитан музей

Кондинский район Леуши павыл ты тал 430 талэ төвлы. Павлын махум ты ялпын хотал тув порат янытлаңкве щёпитахтэгыт. Хоты порат тот махум олмыгтасыт, та урыл Елена Павловна Кульчицкая пёс нэпакт ловиньтас. Ос тувыл «История села Леуши в документах и в воспоминаниях его жителей» наппа нэпакт таратас. Тав Леуши павылт школат ханищтан нэг рӯпиты ос школьный музейт кӯщаиг олы. Музей урыл таи потыртас:

- Овлэт Леуши павыл школат акв колнакт «История боевой славы» наппа суссылтап рӯпитас. Тот войнат хонтлам махум хурияныл ос пормасаныл, нэпаканыл акванатым олсыт. Яныгшкола хунь ўнттувес, суссылтап тыг тотвес. Тонт мән нйврамыт ёт элал савсыр пёс пормасыт акван-атуңкве патсүв.

Хунь махум ты мән олмыгтасыт, ам хосат тагыл пүмшалахтэгум. Савсыр мятт латың кинсэгум. Акв нэпакт хансым олыс, Ермак махманэ ёт савсыр мирыт ёт хонтлас. Тав хунь порславес, махманэ киттыг-ўртхатсыт, акват тыт хулытсыт, мотаныт ювлеминасыт. Ювлеминаманыл порат ты Леуши павылн хойгласыт. Тонт мәнщит танки щёмьяныл ёттыт олсыт. Ты вәрмал 1584 тал порат олыс.

Пёс нэпакыт кисхатым, ам Тобольск ўсн ялсум, тот архив-колт мәнки павлув урыл латың киссум. Тот ос акв пүмаш вәрмал хонтсум. Леуши павылт олнэ махум ясак моща ойтсыт. Ты вәрмал 1614-1617 талытт олыс. Ам пуссын хонтум нэпаканум районный

Думан кётсанум, депутаты ловиньтасаныл ос постановление пирматасыт, ты тал павлув 430 талэ төвлы.

Руш махум ты мат хосат тагыл олэгыт, кӯпса махум Леушит ос олсыт. Тән халанылт Степан Сафронович Новосёлов щёлын ойка олыс. Советский власть ёхтум порат такви мисанэ, луванэ колхозн мисанэ, такви тот рӯпитаңкве патыс. Тав олум колэт пүльница вәрвес. Музеюв акв пёс хури олы, тот ты пүльница 1960 тал порат пёслуес.

Ос пупкол хунь тыт ўнттувес, ты вәрмал урыл ос нэпакыт киссум. Музейт пёрна олы, совеский власть ёхтум порат церковь-колыт хот-лосталаңкве, сакватаңкве патвёсыт, тонт ты пёрна Иван Кравченко мән пыгришиг ёл-паттыстэ. Ань музеюв ты пёрна суссылтылүв.

«Югра» наппа энциклопедият ам таи ловиньтасум, Леуши павылт пупкол 1888 тал порат ўнттувес, ам ос Тобольск ўст архивыт кисхатым мот латың хонтсум. Тонт йильпи пупкол ўнттувес, ты элы-палт рӯпитап пупкол нәйин ёсвес. Мот



нэпакыт ос хансым олы, 1712 талт пуп ойка Фёдор Лещинский Сатыги павылн мәнщит палт ялыс ос тыг ёхталас, тонт тыт Сатыгин канаш щёмьятэ ос рӯтанэ ёт олыс. Тыт пуп ойка тананыл ос руш Торум нупыл пойкщүңкве кәчилтасанэ.

Музеюв советский власть пора урыл ос сав нэпакыт, хурит, пёс пормасыт акванатым олэгыт. Тыт 1941-1942 талыгт таратым «Сталинская трибуна» наппа газета, савсыр докладной-нэпакыт, польш тотнэ нэпакыт ловиньтаңкве рөви. Ты нэпакыт мән акв пёс колыт хонтсанүв. Мән палтүв акв нэ рӯпитаңкве ёхтыс, тав пёс колт олмыгтас. Акв порат куре хот-саквалас, посым юв хартуңкве патвес, хум хотпат колалан тур сунсуңкве нөх-хәхсыт, тоттасавит нэпакхонтсыт. Пёс газетат, нэпакыт пуссын музейн тотсаныл.

Акв докладной-нэпактхансым олыс, мис поснэ нэ сав рӯпитап

мәгсыл шаквитыл ат майвес. Акв ойка мисэ агмыл ёмтыс, Ямки павылныл ўйхул пусмалтан леккар вөвыс. Тән аквёт хұрум хотал вина айсыг, мисән ат пусмалтасыг. Тувыл мис алыстән ос нёвиль элал тыналастән. Справка вәрсыг, эрттам мис агм ат онышас. Тамле нэпак мән музейт ты онышөв.

Афганистан, Чечнят хонтлам пыганув урыл ос суссылтап щёпитасүв. Павылныл 24 пыгыт хонтлуңкве ялсыт. Тән халанылт акв пыг юв ат ёхтыс. Акв пыг «Орден мужества» наппа мәгылн тагатан пёс оныши, тав Чечня мат хонтлым тамле металил майвес.

Музеюв мәнщит маснүт ос мот савсыр пормас моща онышөв. Савсыр мирыт пёс йис тагыл тыг ёхталаңкве патсыт. Мәнщиянүв пуссын тән халанылт тэлыгласыт. Танки пёс йис вәрмаляныл ос щән латңаныл хотёрувласаныл.

Людмила
ТЕТКИНА

Тав стиханэ ань ты мус ловиньтавет

Ханты-Мансийск үст окружной библиотека-колт сав мир акван-атхаты-глас. Тот махум Владимир Волдин кастысаныл. Тав ханты ос руц латңыл стихыт хансыс. Махум тав хансыглам стиханэ ловиньтасыт, эргыг эргысаныл ос тав уретыл потыртасыт.

Ювле хультум талт Ас-угорский маньлат махум организация ос В. Волдин намыл на-маим ханты культура центр «И наших душ, и наших рук я славлю единение...» наппа проект аквѣт хассыг. Ос ювле хультум тал ват сѣграппал этпост проектаныл магыс грант-олныл майвѣсыт. Ань тан махум акван-атыглѣгыт, тананылн Владимир Волдин хансум стиханэ ос вѣрум рупататэ урыл потыртѣгыт.

Үст ѓлнэ маньшит, хантыт ос мѓт мирыт, соссаң махум Ассамбле-ят рупитан депутатыт, Общественный палатат рупитан махум, «Союз писателей Югры» организация пѣлыл хѓтпат библиотека-колн ѣхталасыт.

Махум В. Волдин урыл сѣв ѣмас лѣтың лавсыт. Любовь Чистова, Общественный палатат кѣщаиг рупитан ѣква, таи лѣвыс: «Владимир Семѣнович сѣв тѣл ювле хультум порат ѣтимыгѣмтыс. ѓлме порат тав хансум стиханэ магсыл мирн янытла-вес. Тав сѣв тѣл ат ѓлыс, ос такем ѣмас стихыт хансуңкве ѣлымас. Ам нѣпаканэ ловиньтасанум. Тав ѣкватэ Мария Кузьминична Волдина урыл хансум стиханэ ѣнум сака мѣстысыт. Ѣкватэ такем ѣруптастэ, янытластэ. Тыи магсыл



такем сымың стихыт тѣлсыт».

Альфия Абдрашито-ва «У озера» ос «Радио» наппа стихаге эргыг эргысаге. Еремей Айпин, округ Дума депутат, поэт ѣт вѣйхатас ос тав уретыл потыртас. Тав лѣвыс: «Ам 1971 тѣлт педагогическое училище ѣстласум. Ос сѣкыр этпост Москва ѣсн литературный институтн ханищтахтункве минуңкв щѣпитахтасум. Ханты-Мансийск ѣст ханищтахтамум порат Владимир Волдин палт хансум потранум радион ловиньтаңкве ялантасум. Хунь юи-ѓвыл щѣс вѣщинтахтасмѣн, тав такви стиханэ ловиньтасанэ. Манхурип номт ѓныщи ос манхурип рупата вѣруңкве таңхи, та урыл сѣв потыртас. Тувыл ам Москва ѣсн минасум, кит этпос ювле хультыс, тав ѣтимыг ѣмтыс.

Владимир Семѣнович сака ѣмас хѓтпаг ѓлыс,



нѣмхуньт лѣль лѣтңыл ат потыртас, нѣмхуньт ат лѣвтыглас. Кѣсың ѣлумхѓлас торгамтаңкве таңхыстэ. Тав мир ѣруптастэ, кѣсың хѓтал щѣгтым ѣрыстэ. Тав там-ле сымың, ѣмас хѓтпаг ѓлыс».

Ханты-Мансийский район Кышик пѣвылныл Альбина Дмитриевна Хорова, нѣврам ханищ-там ѣква, Зина Долевская, школат ханищ-тахтын ѣги, поэт ханты лѣтңыл хансум стиханэ ловиньтасыг.

Мария Кузьминична Волдина ѓйкатэ урыл ѓс лѣтың лѣвыс: «Мѣн ѓйкамѣнтыл туп хѣрум тѣл аквѣт ѓлсумѣн. Тав ѣнум хѣрум нѣвраманум ѣт нѣг то-тыстэ. Ам нѣвраманум сака ѣруптасанэ, так-ви нѣвраманэ хѓльт ян-малтасанэ. Ос хунь Та-нечка ѣгимѣн самын патыс, такем щѣгтыс. Такви нѣврам хѓльт пѣмшалахтас, ѣгитэ лѣглаге, кѣтаге нупыл



сунсыглым такем му-виньтас. Акв порат тавѣн лѣвсум, Таня ѣт юн вос ѓлы. Тав юн ѣнлуңкве ат вѣритас, ѣгитэ радио рупатан тотыстэ. Юв ѣх-тысум, юн ѣтимыг, кис-маясагум. Рупатан ми-насум, тув щѣлтсум, мањ ѣгитэ пасан тар-мыл пиныстэ, ос тав ѣтэ рупитан махумн суссыл-тытэ. Тув мус щѣгтым ѓлыс, ты урыл махманѣн потыртас, тамле ѣмас хѓтпаг ѓлыс. Ты юи-пѣлт Мария Кузьми-нична ѓйкатэ урыл так-ви хансум ѣрге эргыстэ.

Аквта хѓталт мѣй махум пуссын иску-ства центрын вѓввѣсыт. Та колт Мария Кузьми-нична апыгрищанэ ос мањлат махмыт ѣт «Так Молупси» - «Сказ о Зем-ле Югорской» наппа спектакль суссылтасыт. Ты спектакль Владимир Волдин хансум поэматэ щирыл вѣрсаныл.

Людмила
ТАСМАНОВА

Мāхум пусмалтам эква

Нина Петровна Камаева ёт ам Хāльўст хōнтхатыгласум. Ты эква Тэк пāвылт налыман арыгкем тāl мāхум пусмалтым рўпитас. Пенсиян патхатаме юи-пāлт тав Хāльўсн вāнтлас.

Āтятэ Пётр Филиппович Филиппов саран хум олыс, рыбкоопыт председателиг рўпитас. Акв порат Тобольск ўсн рўпата щирыл кетвес, тот тав экватэ ёт акван-хōнтхатыг. Тувыл яныг ўст олум āги Хāльўсн олуңке тотыстэ. Пётр Филиппович ос Елена Павловна хўрум нйв-рам янмалтасыг.

Нина Петровна лāвыс: «Ам акв каңк ос эщ ошсум. Каңкум война порат хōнтлаңке вуй-вес. Яныг хōнт оигпа-ме юи-пāлт юв ёхтыс. Хōнтлым сакватавес, хоса ат олыс, āтимыг ёмтыс. Мāн война порат яныгмам нйврамыт сав хунь вāщинтасўв ос савалым, тэтāl яныгмасўв. Омагув-āтягув сав рўпитасыг, мēн Тамара эщум ёт акваг юн мēнккемēн олсумēн. Омав пўльницат сани-

таркаг рўпитас. Āтяв овлёт сāлы ўрим яласас, тувыл рыбкоопын рўпитаңке патхатас. Мāниг олмум порат акваг омам палт пўльницан ялантаңке эруптасум, мāнь тāгыл мāхум пусмалтаңке тахсум. Тыи мāгсыл

школа āстламум юи-пāлт Ханты-Мансийск ўсн медицинский училищан фельдшерыг ханищтахтуңке мина-сум. Училище āстласум, Октябрьский пāвылн рўпитаңке кетвесум. Тот ойкам Василий Иванович Камаев ёт акван-минасамēн, тав трактористыг рўпитас. Тōнт колхозыт олсыт, тав акваг акв пāвылныл, мōт пāвылн рўпитаңке кетыглавес. Тох мēн



Тэк пāвылн олуңке вāнтласмēн.

Октябрьский пāвылт рўпитымам савсыр мāнь пāвылквётын кетыглавесум, тот Āс мāньщит олсыт. Тох яласымам, мāхум пусмалтым, мāньщи лātңыл потыртаңке патсум. Хунь Тэк пāвылн ёхтысум ос ханты лātңыл потыртаңке ханышувласум. Пāвлың мāхманув сав хўл тэсыт. Сав элумхолас мāйтаныл āгмыңыг олсыт, та порат сав хōтпа ос хōпсы āгм ошсыт. Тāнаныл пуссын Хāльўсн пусмалтахтуңке кетыгласанўв. Пāвылт ўлщ-пуңк пусмалтан лēккар āтим олыс, пуңканыл ос ам пусмалтасанум».

Нина Петровна Камаева ойкатēныл кит нйврам янмалтасыг. Ань яныг эква 16 апыгрищ оныщи, тāн пуссын Хāльўст олэгыт. Нина Петровна тāl котиль этпост намхōталэ олыс. Ам ты яныг эква намхōталэкастылянытлылум ос сав сымың лātңыл кетылум. Пус кāt, пус лāгыл.

Людмила ТЕТКИНА

Ханты ойка хуриянэ суссылтавет

Ханты-Мансийск ўст Геннадий Райшев, кāтыл хурит ханты ойка, ос акв суссылтапе рўпиты. Тав 1960-1970 тāлытт пōслум хуриянэ тот суссылтавет.

Тāнаныл сунсыглаңке сав мир ёхталас. Еремей Айпин, соссаң мāхум Ассамблея кўщай хум, Геннадий Степанович ёт хосатāгылвāйхаты. Еремей Данилович лāвыс: «Та тāлт мāн округув 83 тālэ тōвлыс. Округув мāгсыл сав рўпата вāрнэ мāхум мāн янытласанўв. Г. Райшев соссаң мāхум культура нōх-вōрмалтан мāгсыл ос сав ёр пиныс. Тав хуриянэ нупыл сун-

сым, нēтнэ мā-витув мāн кāсалылўв».

Ты суссылтап Наталья Фёдорова, искусствоведнэ, щёпитаствэ. 1960-70 тāлыт порат пōслым хуриянэ хумус тāн акван-атсаныл ос суссылтапн вāрсаныл, та урыл потыртас. Тав лāвыс, тōва хуриянэ Карпинск ўсныл тыг тотвёсыт, ўсувтнэмхуньт ат суссылтавёсыт. Тōват сав тāl акв мāt хуим, шар лўлиг ёмтыт. Тāнаныл



мўсхалыг щёпитаңке сав хōтал эрмыглас.

Ты элы-пāлт «Графика Райшева» нампa выставкатэ суссылтавес. Та тāl ойка 80 тālэ тōвлыс, ты кастылтаветэрўпитан

хōтпат савсыр суссылтапыт ань щёпитэгыт.

Л. СПИРЯКОВА
хансум потре
мāньщи лātңыл
Л. ТЕТКИНА хансыствэ

Марий мӓхум ӧлупсаныл ӧвылтыт

Валерьян Петров Марий Эл мӓт Морко районный ӱст ӧлы. Тав ань пенсиян патхатым ӧлы, ос ты элы-пӓлт «Морко мланде» районный газетат кӱцаиг рӱпитас. Мӧлты туй ӧйка финно-угорский газетатт рӱпитан хӧтпат хурит пӧслункв хаништапн акван-атыгласанэ. Ам ӧс тув ялсум, тот хаништахтамув коньпал мӓн марий мӓхум ӧлупсаныл ӧвылтыт ӧс мощ пӱмщалахтасӱв.

Акв хӧталт Валерьян Васильевич мӓнав такви рӱпитам колӧн ос район мирколн тотыгласэ. «Морко мланде» колӧт мӓн тав ӧтэ рӱпитан мӓхум ӧт вӓщинтахтасӱв. Руцщирылтав «Марийская земля» толмашлаве, редакцият рӱпитан хӧтпат тамле газета руц лӓтӱыл ӧс таратӧгыт. Ань ты газетат Моркинский район хӱрум сӧтыра арыгкем хӧтпатн ловиньтавӧг. Тӧнакв сӓт сыс акв щӧс тӓратавӧг. Кӓсыӱ журналист газетан руц манос марий лӓтӱыл лӓххалыт ос по-трыт хансы.

Журналистыт мӓн пӓвлыӱ мӓн ӧс сӓв ялантӧгыт, марий мир ӧлупса ӧвылтыт по-трыт кинсӧгыт. Тувыл район кӱщаяныл рӱпатаныл урыл сӓв лӓххал хансӧгыт. Марийцыт тӓнки щӓнь лӓтӱыл хансым газетат ловиньтаӱкве сака таӱхӧгыт, таи мӓгыс газетат сака урӧгыт.

Мӓн мирколн ӧс ялсӱв, тот Моркинский район кӱщай Сергей Харитонович Григорьев ӧт вӓйхатасӱв. Тав мӓнавн тӓнки ӧлупсаныл урыл таи потыртас: «Мӓн районувн Морки ӱс ос онтолов мӓн пӓвлыт ловиньтахтӧгыт. Тыт 30 сӧтыра ниласӓт сӓвит



ӧлумхӧлас ӧлы, тӓн халанылт 82%-тый марий мӓхум, 8% - руц ос аквта сӓвит хатань мӓхум ӧлӧгыт. Марийцыт тӓнки пӧс йис агтаныл (руцщирыл язычество) ӧлӓлт тотыяныл, тӧват руцит хольт ӧс пӧрна пинӧгыт, хатанит мусульман агтыл ӧлӧгыт.

Морко ӱсувт матахмат хӧтпат хосат ӧлмыгтасыт, тӓн буддизм агт тыг тотсыт. Ты хӧтпат тӓнки мӓгсыланыл ӱсувт мӓн кан щӧпитанкве вӧвсыт, мӓн кӓсашасӱв. Ань мӓн мӓхманув ӧс тув ӧхталӧгыт, нас пӱмщалахтӧгыт, сунсыглахтӧгыт. Тӓнанылн тот мӱсты, тӓвӧгыт, сыстам, посыӱ мӓ.

Мӓхманув янгыщ ӱйхул янмал-



тым, сӓвсыр щӱртнит, нӓнь пумыт янмалтым ӧлӧгыт. Мӧлты тӓлт сака рӧгыӱг ӧмталас, сӓв тӓлыӱ ййвыт хоттосункве патсыт. Мӓн ань 300 гектар мӓ тармыл ййвыт янмалтанкве сам пинсӱв, макев сӓв хорамыӱ ййвыл ӧлӓлт вос яныгмаве.

Пӓвлыӱ мӓхманув ӱйхул янмалтым, вӧр ййвыт яктым ос пӓрт сылнэ мӓт рӱпитӧгыт. Тӧват компрессорный станцият, кирпич вӓрнэ колт ос сыресыр пормасыт вӓрнэ колт рӱпитӧгыт. Ляпа ӱсныл щӧлыӱ хӧтпат тыт пӧс тӓгыл рӱпитан предприятият ӧвтыяныл ос тувыл мӧт рӱпатаӱ колыг щӧпитыяныл. Таи ӧмас, мӓн соссаӱ мӓхманув тув рӱпитанкве вивет. Щицкурек янмалтан кол ӧс ӱнттысӱв, ты хосыт мӓнки мӱӱи, нӧвыль ӧныщӧв.

Мӓньлат колтӓглытн ос сӓв нӓврам ӧщнэ щӧмьятын сӓвсыр нӧтмил вӓрӧв. Юи-ӧвыл тӓлувт сӓвнув нӓврам самын патыс. Тыт ань 416 колтӓгыл яныг щӧмьяг ловиньтахтӧгыт, тӓнанылн ӧлнэ кол ӱнттын мӓгыс мӓ-лӧмтыл мисанув. Мӧлал рӱпата ат хӧнтманыл мӓгыс сӓв марийцат мӧт мӓн

ӧлуӱкве миныгласыт. Тувыл сӓв мӓньлатӓгитпыгыт юристыг, бухгалтерыг хаништахтӧгыт ос тыт рӱпата ат хӧнтӧгыт, сысы ӧс та минӧгыт. Ам таи лӓвуӱкве таӱхӧгум, тӓн тӓнки самын патум мӓнаныл ат ӧрувляныл, юв ӧхталӧгыт. Тӓн аквтох пӧс йис ялпыӱ хӧталыт янытлӧгыт макев тыт сака ӧмас».

Ты элы-пӓл хӧталт мӓн акв ялпыӱ мӓн ялмув порат Уильем пӓвылт лӧӱхыт марийцат ӧт хӧнтхатыгласӱв. Тыи Татьяна Тихонова ӓгиягепыгаге ос ӧныпе ӧт лӓлыт ӧмсыт. Мӓн тӓн ӧтаныл мощ потыртасӱв. Татьяна хуньт Казаньт нӓврам пусмалтан лӧккарыг хаништахтас ос тувыл ӧйкатӧнтыл Лӱим мӓн рӱпата киснэ мӓгыс Дудинка ӱсн минасыг. Тав ань «скорый помощь» лӧккарыг рӱпиты. Пыге тӧн ӧтӧн нила тӓл тот ӧлыс, ос акв тыг ӧлӓлт хаништахтуӱкве юв ӧхтыс. Ань Пӧтра пӧс ялпыӱ хӧтал янытлан кастыл (тӓн щираныл - Сюрем хӧтал) рӱт мӓхманыл уралытан мӓгыс тӓн отпускан ӧхтысыт.

Тащирыл ты марийцат ӧлӧгыт.

**Тамара
МЕРОВА**

Пусмалтахтан ос ўщлахтан кол

Ман округувт Нефтеюганск ўс ляпат «Юган» нампа санаторий ӧлы. Тот махум янге-мӧне пусмалтахтӧгыт ос ўщлахтӧгыт. Тӧва хӧтпа пўльницаныл леккарӧн тув кӧтаве, тӧва ос такви путӧвка нӧпак ӧвты (тынӧ налыман нупыл ат сӧтыра сӧвиттем солкӧви). Кӧсың хӧтпа тот нӧлоловхуйплов хӧтал ӧлы, ӧлнӧ колнакыл миве, сӧвсыр щирыл пусмалтаве, тыттаве.

Вӧт сӧграпнал ӧтпост ам тот ӧлсум, пўльница пӧлыл леккарумн тув кӧтыглавӧсум. Ювле хультум тӧл рӧтың юсвой ӧтпосӧт ты санаторий вӧт тӧлӧ тӧвлум. Кўщаиг Виталий Иванович Чехута тав ӧлы. Хум тот онтоловхуйплов тӧл рўпиты, «Отличник здравоохранения РФ» намыл майвес. Виталий Иванович тув патхатаме юи-пӧлт санаторий сака ӧмашакв рўпитаңкве патыс. Вӧт тӧл сыс тот 98 сӧтыра 532 хӧтпа пусмалтахтас (тӧн халанылт: 22 сӧтыра 982 хӧтпа – нӧврамыт ос мӧнӧлат махум, 4 сӧтыра 571 хӧтпа – ӧгмың-мосың махум, 1 сӧтыра 530 хӧтпа – яныг хӧнт порат хӧнтлум махум пусмалтахтасыт ос ўщлахтасыт).

Тот сӧт яныг леккарыт (терапевт) рўпитӧгыт, акв леккар ӧкват пусмалты, акв леккар ос ўлщ-пунк пус-

малты, сӧтмӧнӧлеккарыт массаж вӧрӧгыт, онтоловхуйплов мӧнӧ леккарыт физиотерапият рўпитӧгыт, атпан нупыл ат хӧтпа тӧнут пӧйтнӧ колт рўпитӧгыт, сӧв хӧтпа колкан ловтӧгыт манос кол ўрӧгыт.

Ӗвлӧт ты санаторий акв наппа йӧв корпус ос тӧнут пӧйтнӧ мӧгыс мӧнӧ колнак ӧныщас. Тӧл сыс 1 сӧтыра 500 хӧтпа туп пусмалтахтуңкве вермыс. Ань тав ат корпус ӧныщи (махум тот ӧлӧгыт-хўлӧгыт), кит тӧнӧколнак, поликлиника, водолечебница, административный корпус, спортивный комплекс. Мӧнӧ нӧврамыт мӧгыс ӧнгын колнак ӧлы. Санаторият ань аквторыг 260 хӧтпа пусмалтахтуңкве ос ўщлахтуңкве вӧрми. Тӧл сыс 5 сӧтыра арыг хӧтпа тув ялантӧлы.

Махум сӧвсыр ваннатыл вӧравет (яныг хуран пусмалтан вит



сӧсаве, хӧтпа тот та хуйгалӧлы), тувыл массажыл вӧраве (алписове мощ таңрашлаве), шӧнька нӧнӧ хурип исум утыл ӧгмың мӧтӧ пинаве, лап-лӧпаве (хӧтпа тох щӧс охса ўщлахты). Тот акв тамле пўмыщ пусмалтан вӧрмалы ӧлы – иглоукалывание. Хӧтпа пусмалтан мӧгыс юнтупытыл тўштӧве, юнтупанӧ ӧт хусахтем кўм хуйгалӧлы. Махум ингаляциял вӧравет (тӧрпил лылтӧгыт), пусмалтан щӧил айтавет, физкультура вӧрӧгыт ос мӧт сӧвсыр щирыл пусмалтавет.

Нӧпак ловиньтан колнак рўпиты. Тот сӧвсыр ӧмас нӧпакыт, журналыт ман газетат пуссын ӧлӧгыт. Пусмалтахтан юи-пӧлт махум мощ кон ӧмыгтаңкве вӧрмӧгыт, ӧсал ман сун-

совыл тахсуңкве рӧви. Ты санаторий тарыг йӧвың мӧт ўнттувес, вӧрың мӧт, ляпат воссыг нӧматыр кол ӧтим. Туп ўщлахтан мӧгсыл акв база ӧлы, махум тув Нефтеюганск ўсныл ӧхталӧгыт, ӧсалтахсӧгыт. Школаныл нӧврамыттув тотавет, манос щӧмьяң махум ӧхтӧгыт, тот маттем та тахсӧгыт, ӧмас, сыстам лылы ӧпыл лылтӧгыт. Нӧврамытын тай атхунь пўмыщ. Суныл тахсынӧныл порат, ос сунсоврищаныл пӧхан-тўщтыгпияныл, сып ӧлы-пӧлн пӧп паттанылт та тахамлӧгыт. Щӧгтаклым, мовиньтым тоттаповарӧлӧгыт, пальтасоврищаныл тўйтыл лап-пӧрыгтыяныл.

Ятил мӧныщи махум, хӧтют кӧсаци те, тув ялӧн, мощ ўщлахтӧн, пусмалтахтӧн. Пусмалтахтан леккаранын китыглӧн, эрың путӧвкӧл мивӧн. Нӧнти тув звонитаңкве ӧс вермӧгын, ты «Юган» санатория тав телефонӧ: **8 (3463) 23-88-96**. Матыр китыглахтан лӧтың ӧныщегын те, тув звонитӧн, китыглахтӧн. Санаторият ӧмас, сымың махум рўпитӧгыт. Пуссын пустагыл ӧлӧн, пус кӧт, пус лӧгыл!



**Светлана
ХОЗУМОВА**

«Монти Танья» ханты мөйт

Аньмунт Ханты-Мансийскат обско-Ауторский махум «Хотал» нампат театр ос акв йильпи ёнгиланыл суссылтасаныл. Ты «Монти Танья» намаим спектакль, тав Тимур Салихов маһылат режиссёрын вәрвес.

Танья - тый сургутский ёрт олнэ ханты махумтан Хонт-Отыраныл. Ань махумн суссылтам хонтлам вәрмалъ XIV нотт порат олывлам. Ты йис вәрмалит театрыт рупитан хотпат таве ос мөйт щирыл щёпитасаныл.

Тувыл тамле пиыщмаң вәрмалит махумн хотмус суссылтаңкве эрыс. Тимур Салихов ты спектакле това накыт пёс тўлыглап холът вәрсанэ. Тот артистат танки ёнгын ёныл коньпалсас вильтхопил тўлыглахтэгыт.

Акв хонтлан вәрмалъ аканит ёт щёпитасаныл (рущ щирыл ке лавуңкве - ты кукольный театр). Мотынтыг исхорыт суссылтым потыртасыт. Сав ёрнэ латңыл Т.А. Молданован ос Е.А.Нёмысован хўлтыглавёсыт.

Тувыл спектаклит ёнгын хотпат сургутский ханты латңыл ёмщаквёг потыртаңкве Наталья Ачимован ханищтавёсыт. Ульяна Шульгина тананылн ёргыт хансыс.

Анна-Ксения Вишневецкая акв пиыщмаң нак урыл сас вильтың ут нётмилэ кастыл потыртаңкве лавыс. Сас вильтың ут хартыглахтым, ошща турсуил пиыщмаң нак урыл потыртас. Тох тәрвит пищит сака пилнэг ат сусхатэгыт, соссаң махумн тан ёрнэг торгамтавет.

Павел Мизёв ху-

дожниканыл ос сав рупитас, тав сценан акван-олтым йивовлыт щёпитаңкве лавыс, тан нумыл квалгыл нэгсалавёсыт. Ёрнэ то-рыг тан палиң вөр хосыт ёмыгтан маг варапавет манос ёрн-колыг тўштыгпавет.

Евгений Литвинчук, "Хотал" нампат театр кўшай, лавыс: "Ты спектаклюв маң 12 тал яныт ныврамытн суссылтаңкве ос щёпитаслўв. Таимагыс това пиыщмаң утыт ошхуль вәрнэ щирыл вәрсанўв.

Та щирыл ханты ос маһыщи махум танки ёмщаквёг тўлыглахтуңкве хасэгыт. Ныврамытын соссаң махум пёс наكانыл ваңкве ёрэгыт, пёс хонт Отыраныл тэланыл ос вост вагыт"

Хунът ты пёс мөйт Александр Иванович Силин, ханты ныврамыт ханищтан хотпан, нэпакн хасвес. Мөлал тав потырталыс: «Ам ань «Монти Танья» потыр ловиньтэлнэм сыс атпан талн ювле хуль-тум порам кастылум.

Тувыл мўтраң олупсан ханищтама ханты ойкат пуссын номылматыглыанум. Тый ханты латңыл пёс мөйт мөйтыглам Семён Фёдорович Покачев, аһумн потрыт рущ латңын толмашлан хум Михаил Иванович Покачев.

Ос Угут павылт «выгыр ёрнколт» рупитам кўшай Ефим Яковле-

вич Каюков аһумн ханты йис накыт овылтыт сав потырталыс, матыр-ати хўлтыглас.

Ань пуссын ты юртанум хосат аһимыг ёмтсыт. Туп ты «Монти Танья» йис потыр щирыл тан мот мирн вост ос номавет, маһылат агитн-пыгытн ос апгытн вост вавет».

Ты мөйт тох потыртавет. Сартын кит юртыңыщ олнэ колтаглыг суссылтаветсыг.

Акв колтаглыт «Салы» намаим рўт махум, мот колтаглыт «Юсвой» намаим рўт махум олсыт. «Юсвой» рўт махум сака ёр, таксар махмыг ловиньтахтастыт.

Ты махум акв пөхат олсыт, хўл алыщлым ос вөраим олсыг-хулсыг, товнакт тэнки халэнт мўйлуңкве хойгласыт.

Акв щёс Норка-ики «Салы» рўт махум яныг-пала ойка Нэви-курёк «Юсвой» рўт махум яныг-пала ойка палт мўйлуңкве хояс. Тэн ўнлысыг, потыртасыг.

Аквматэрт мўй ойка Нэви-курёк нётнэ агитэ касаластэ, таве нэг виңкве номылматас. Тувыл, вайм, маһылат нэ матум хотпан нэг хунь виве. Таимагыс кит яныг-пала ойкаг халэнт халмалтахтастыг.

Та сыс тан маһанылт пиыщмаң пора ёхтыс. Мот маһыл хаштал махум тан ётаныл хонтлуңкве ёхтыгпасыт. Тан нэмхотыют ат салитасыт, янге-маһе пуссын порслысаныл ос танки кўшайлахтуңкве патсыт.

Тонт тўлмах Норка-ики таквинатэ ос

рўт махманэ лылыя-ныл нэгылтан магыс хаштал утытн нётуңкве лавхатас. Остувыл ворт тўйтыглахтам «Юсвой» рўт махум порслаңкве аквьёт та минасыт.

Тан Нэви-курёк таксар махум ёткотилыт хонтсаныл ос лўль вәрнэ магыс илттыг ёхтыгпасыт. Нэви-курёк маһе пыгён сысы оуңкве кашилтастэ.

Пыгён тав лавыс, такви юсвой рўтэ элалъ вост тотытэ, махманэ ос мятэ такыщ вуянтым вост оһыщитэ, юсвой махум аквтох суиң намыл элалъ вост олсыт.

Ань ты пёс мөйт щирыл пуссын тох элалъ та ёмтыс. Танья – тый Нэви курёк апыг. Нэви курёк маһе пыге ворт тўйтыглахтам порат Васэк юртэ Айни йигрище ёт акван-хонтхатасыг.

Тэн рўтанэн пуссын порславёсыт, нэмхотыют ат хультыс. Тувыл мот сытам маһ олуңкве та минасыг.

Тох Танья пыг самын патыс. Ань тав ты матэ элалъ ўргаластэ, тавёныл пуссын пилсыт. Такви рўт наме, солъ, суиңыг варыстэ.

Тав урёт ань тыг мус махум потыртэгыт, нан Танья турсуе хўнтамлаңкве тахмаегын ке, туй порат «Орловский борка» лавнэ маһ минэн.

Тот яныг ўрн нөх-хаңхён, тувыл палил ма хўнтлэн, ёмщакв хўнтлэн. Тонт нан хумус Танья, Юсвой рўт махум Хонт-Отырысыме путти, хўнтамлыбын. Тав сыме шар мөйт щирыл акваг лылың.

Кондинский район 90 талэ тӧвлыс

Ты район 1923 тал яныг таквс этпос 12 хӧталэт вӑрвес. Тӧнттав Тобольский округ Уральский область нупыл ловиньтахтас. Районный центрыг Нахрачи пӑвыл ӧлыс, ӕтыл 1961 талт Кондинский пӑвлыг на-маявес.

1924 тал рӕтың юсвой этпос 1-2 хӧталыгт депутатыг пӕриим хӧтпат ӧвыл съезданыл ӧлыс. Та пӑсныл 90 тал ювле та хультыс. 1930 талт Кондинский район Остяко-Вогульский национальный округ нупыл хасвес.

Ань Кондинский районт 27 яныг ос мӑнь па-

вылкет ӧлӕгыт. Районный центрыг 1994 талныл Междуреческий пӑвыл вӑрвес. Та мӑт 34 сӧтыра арыгкем Ӕлумхӧлас ӧлы, тӑн хала-нылт 5 сӧтыра арыгкем - соссаң мӑхум. Та районт Анна Митрофановна Конькова, Матрёна Панкратьевна Вахрушева, Андрей Семёнович Тарханов, мирн вӑнэ мӑнышит, самын патсыт.

Ань район 90 талэ тӧвлын кастыл тал сыс сӑвсыр ялпың хӧталыт, суссылтапыт, каснэ вӑрмалит вӑрыглаңке патавет.

Людмила ТАСМАНОВА



Болчары пӑвыл



Леуши пӑвыл



Шугур пӑвыл



Ягодный пӑвел



Юмас пӑвыл

Луима сэрипос
(Северная заря)
№3 (1069), 7.02.2014

Соучредители
Дума, Правительство
Ханты-Мансийского
автономного округа – Югры

Издатель
Департамент общественных
связей Ханты-Мансийского
автономного округа – Югры

Редакция

Главный редактор –
Решетникова Р.Г.
Телефон (3467)33-36-82

Заместитель главного
редактора – **Кондина Г.Р.**
Телефон (3467)33-22-72

Ответственный секретарь –
Узель В.В.
Телефон (3467)33-23-09

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467)33-17-52
E-mail: luima@ugracom.ru
Газета размещена на сайте
kmsn.admhmao.ru

Отпечатано:
ОАО «Издательский дом
«Новости Югры» г. Ханты-
Мансийск», ул. Мира, 46.

Подписано в печать:
по графику 7.02.2014 г.
в 15.00.; фактически
7.02.2014 г. в 15.00.
Индексы **04399, 54399**
Тираж **1750 экз.**
Заказ **1381**
Цена свободная
Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по Тюменской
области, ХМАО-Югре и
ЯНАО.

Свидетельство о регистрации
ПИ №ТУ
72-00795 от 23 января 2013г.

Т. Марова вӑрмӑхурит

Л. Теткина вӑрмӑхурит